

## 2. gr.

Tollstjóri ákveður, að höfðu samráði við geymsluhafa, hve marga tollgæzlumenn sé nauðsynlegt að hafa í tollvörugeymslu til að tryggja fullkomið eftirlit. Hann ákveður einnig starfstíma þeirra þar og af hvaða starfsgráðu gæzlumenn skuli vera.

## 3. gr.

Geymsluhafa ber að greiða gjald fyrir vinnu og veru tollgæzlumanna í tollvörugeymslunni þann tíma, sem hún er opin til afgreiðslu daglega, svo og fyrir þá aukavinnu, sem hann óskar eftir að unnin sé utan afgreiðslutíma eða nauðsynlegt er að framkvæmd sé utan afgreiðslutíma að dómi tollstjóra.

Gjaldið skal miða við kaup viðkomandi tollgæzlumanna, að viðbættu 20% álagi, og skal innt af hendi mánaðarlega eftir á.

## 4. gr.

Reglugerð þessi er sett samkvæmt heimild í 24. gr. laga nr. 47 frá 1960, um tollvörugeymslur o. fl., og tekur gildi þegar í stað.

*Fjármálaráðuneytið, 10. júní 1968.*

**Magnús Jónsson.**

Jón Sigurðsson.

Nr. 195.

15. júlí 1968.

**REGLUGERÐ****um fasteignaskatt í Egilsstaðahreppi í Suður-Múlasýslu.**

Fasteignaskatt í Egilsstaðahreppi, Suður-Múlasýslu skal innheimta með 100% álagi eins og hann er ákveðinn í 3. gr. laga nr. 51 10. júní 1964.

Reglugerð þessi staðfestist hér með samkvæmt lögum nr. 51 10. júní 1964, 5. gr. sbr. 3. gr., til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

*Félagsmálaráðuneytið, 15. júlí 1968.*

**Magnús Jónsson.**

Gunnlaugur Þórðarson.

Nr. 196.

11. júlí 1968.

**SAMÞYKKT****um afgreiðslutíma verzlana í Ólafsfirði.**

## 1. gr.

Samþykkt þessi nær til allra smásöluverzlunar í Ólafsfirði þ. m. t. starfsemi söluturna, brauð- og mjólkurbúða.

Undanþegnar ákvæðum samþykktarinnar eru: Lyfjabúðir, benzínsölur, að því er snertir sölu á benzíni, olíu, smurolíum og vörum til bifreiða, blaðasala á götum, merkjasala og annað slíkt.

Ákvæði samþykktarinnar ná ekki til þjónustu, er bifreiðaafgreiðslur veita atvinnubifreiðastjórum, né heldur til þeirrar þjónustu, er rakarastofur, hárgreiðslu-

stofur, ljósmyndastofur, viðgerðarverkstæði o. s. frv. láta í té, enda fari þessar stofnanir eigi út fyrir verksvið sitt.

Um vinnutíma og önnur starfskjör afgreiðslufólks fer eftir kjarasamningum og venjum.

Ef ágreiningur ris um skilning á ákvæðum samþykktar þessarar, úrskurðar bæjarstjórn Ólafsfjarðar ágreiningsefnið að fengnum tillögum lögreglustjóra, en skjóta má úrskurði til ráðherra og er úrskurður hans endanlegur.

### 2. gr.

Daglegur afgreiðslutími smásöluverzlana og annarra sölustaða er samþykkt þessi tekur til, er svo sem hér segir, nema öðruvísi sé sérstaklega ákveðið í samþykktinni. Alla virka daga skal heimilt að opna sölustaði kl. 09.00.

Á mánudögum, þriðjudögum, miðvikudögum, fimmtudögum, skal sölustöðum lokað eigi síðar en kl. 18.00, á föstudögum eigi síðar en kl. 19.00 síðdegis, enda beri þá daga ekki upp á helgi- og frídaga, sbr. 4. gr.

Á laugardögum skal heimilt að halda sölustöðum opnum til kl. 12.00 á hádegis.

Síðasta virkan dag fyrir aðfangadag jóla skal heimilt að hafa verzlánir opnar til kl. 24.00 og síðasta laugard. fyrir jól til kl. 22.00 (eða annan dag skömmu fyrir jól).

Enn fremur er heimilt að hafa sölubúðir opnar fyrsta laugardag í desember til kl. 16.00 og annan laugardag til kl. 18.00.

### 3. gr.

Fiskbúðir mega vera opnar kl. 08.00 til 18.00 virka daga nema laugardaga, en þá skal þeim lokað eigi síðar en kl. 12.00.

Einnig er heimilt að hafa verzlánir, sem hafa allar algengar matvörur á boðstólum svo og brauð- og mjólkurbúðir opnar kl. 10.00 til kl. 12.00 á dögum, er greinir í 4. gr. b-lið.

### 4. gr.

Eftirfarandi reglur gilda um lokun sölustaða á helgidögum og hátíðisdögum.

- a. Jóladað, páskadað, hvítasunnudag og föstudaginn langa, 17. júní og nýársdag skulu allir sölustaðir lokaðir allan daginn.
- b. Aðra sunnudaga, skírdag, annan páskadað, sumardaginn fyrsta, annan hvítasunnudag, uppstigningardag, verzlunarmannafrídaginn og annan jóladað skulu sölustaðir lokaðir allan daginn sbr. þó undantekningar ákvæði, 3. gr. og 5. gr. þessarar samþykktar.
- c. Aðfangadag jóla og gamlaársdag skal öllum sölustöðum lokað eigi síðar en kl. 12.00.

### 5. gr.

Bæjarstjórn getur leyft, að fenginni umsögn heilbrigðisnefndar, að söluturnar og sambærilegir sölustaðir séu opnar alla daga frá kl. 9.00 til kl. 20.00 á tímabilinu 15. sept. til 14. maí. Á tímabilinu 15. maí til 14. sept. frá kl. 09.00 til 23.30 sbr. þó a-lið 4. gr.

Sölustaðir þeir, er um getur í 1. mgr. skulu utan hins almenna sölutíma aðskildir frá verzlun og birgðageymslu verzlunar. Má þá þjónusta fyrrgreindra sölustaða einungis fara fram um söluop. Skulu kaupendur við slík op standa utanhúss og óheimilt er að hafa neins konar skýli í sambandi við söluop, sem börn og unglingar geta safnast saman í.

Um söluop skv. 2. mgr. skal heimilt að selja eftirtaldar vörur:

Dagblöð, tímarit, kort, frímerki, tóbaksvörur, eldspýtur, öl og gosdrykki, ís, sælgæti, nýja ávexti, heitar pylsur, niðursuðuvörur, ávaxtasafa, kaffi, te, kakaó, kex (innpakkað), harðfiskur (innp.), rakblöð, raksápu, handsápu, tannkrem, tannbursta,

greiður, bómull, dömubindi, skyndiplástur, WC-pappír, rafhlöður, rafmagnsperur, rafmagnsöryggi, filmur, sólgleraugu, minjagripi, spil, kvensokka og vinnuveltinga.

## 6. gr.

Í kvikmyndahúsum, leikhúsum, á íþróttavöllum, útiskemmtunum og öðrum slíkum stöðum skal heimilt að fengnu samþykki heilbrigðisnefndar að selja samkomugestum sælgæti, tóbak, ís, gosdrykki og annað slíkt, sem ætla má að neytt verði á staðnum. Einnig má selja þar sýningarskrár, minjagripi og annað slíkt, sem eðlilegt telst, að þar sé til sölu, utan þess tíma, er í 2. gr. er nefndur, þó aldrei eftir að sýningu lýkur eða skemmtistað er lokað.

## 7. gr.

Eftir lokunartíma sölustaða er óheimilt að selja þann varning, sem verzlunarleyfi þarf til sölu á. Þó skal heimilt að afgreiða þá menn, sem komnir eru í verzlun eða sölustað, þegar lokað er. Einnig er heimilt að afgreiða langferðamenn um nesti fyrir luktum dyrum. Enn fremur er heimilt að selja eftir reglulegan lokunartíma: kol, salt, olíu, veiðarfæri og vistir til skipa.

## 8. gr.

Lögreglustjóri getur í einstökum tilvikum heimilað rýmri sölutíma en segir í samþykkt þessari, þegar hann telur sérstakar ástæður til, m. a. þegar ákveðið er, að ágóði af sölu renni til almenningsheilla.

## 9. gr.

Bæjarstjórn getur ákveðið, að greitt verði sérstakt gjald fyrir leyfi samkv. 5. gr. Ákveður bæjarstjórn þá gjald þetta til eins árs í senn, og einnig fyrir umferðasölu. Gjaldið skal greitt fyrirfram fyrir hvert almanaksár. Sé það ekki greitt á réttum gjalddaga, skal leyfið úr gildi.

## 10. gr.

Ef leyfishafi, sbr. 5. gr., brýtur samþykkt þessa eða skilyrði, sem bæjarráð, heilbrigðisnefnd eða lögreglustjóri kunna að setja fyrir leyfi eða ef rekstur sölustaða þykir ekki fara vel úr hendi, má bæjarráð svipta leyfishafa leyfinu, enda hafi leyfishafi ekki látið segjast við aðvörun. Jafnframt má ákveða að leyfi verði ekki veitt til slíks rekstrar á viðkomandi stað í tiltekinn tíma.

## 11. gr.

Brot gegn samþykkt þessari varðar sektum allt að kr. 5000.00.

Með mál út af brotum á samþykkt þessari skal fara að hætti opinberra mála.

## 12. gr.

Samþykkt þessi, sem bæjarstjórn Ólafsfjarðar hefur samþykkt samkvæmt lögum nr. 17 frá 1. febr. 1936 um samþykktir um lokunartíma sölubúða, öðlast þegar gildi, með þeim takmörkunum þó, sem lög nr. 45 frá 15. júní 1926 um almannafríð á helgidögum þjóðkirkjunnar setja.

Jafnframt fellur úr gildi samþykkt nr. 72 frá 16. maí 1944 um lokun sölubúða í Ólafsfirði, ásamt síðari breytingum.

*Félagsmálaráðuneytið, 11. júlí 1968.*

F. h. r.

Hallgrímur Dalberg.

*Gunnlaugur Þórðarson.*